

8

ANIMADVERSIONES
IN
NÆNIAM
FUNEBREM
MARTINI STEYARTII

Doct̃oris Lovaniensis.



ANIMADVERSIONES

I N

NÆNIAM FUNEBREM

Martini Steyartii, Doctoris Lovaniensis.

INtolerabilis est audacia & insulfitas, ut ne dicam impudentia hominum, qui nulla ratione veri aut iusti habita, in *Chartis* istis, quas *Mortuarias* vocare solent, sine delectu aut discrimine deblaterant, quidquid in buccam venerit. In isto assentationis genere cminet recens epicedium Martini Steyartii, S.T.D. & P. in Universitate Lovanienti: quod cum in Viro illaudabili mendacibus encomiis effereudo omnes verecundię metas transfiliat, non abs re publica me facturum existimavi, si narniam illam putidam & ineptam, *Animadversionibus* hisce pauculis, velut levioris cujusdam disciplinę ferula, flagellarem. Nescio enim profectò, uter in communia commoda deterius peccet: an qui sanorum dogmatum patronos Theologos convitiis obruit; an qui pravarum doctrinarum inventores propugnatoresque, perniciosius publico vehit laudibus.

Principio quidem, in ipso feralis scedulę titulo ex catalogo *bonorum* deletos observo, qui mortem Doctoris Steyartii non exceperunt *more in-*

credibili propè exanimati: ac si justa *omnibus ho-*
nis mœroris incredibilis obtigisset causa: quod vir
 jam annis bene multis Academiam Lovaniensem
 diffidiis funestis turbans, factionibus dirissimis la-
 nians, dogmatibus pessimis ac flagitiosis instituens;
 bonos divexans, infamans, proterens; malos pro-
 tegens, honorans, evehens; denique innumera-
 rum nocentissimarum molitionum artifex, naturæ
 debitum solvens, Universitatem ab oppressione li-
 beratam dederit, & spem faciat ut res collapsas
 istius Athenæi, adminiculantibus Sacerdotii & Re-
 gni præfectis, in statum pristinum velut postlimi-
 nio reducere liceat. Nisi fortassis scedulæ *mortua-*
ria compilator *incredibilem* illum *mœrorem* elici-
 tum velit ex illo capite, quod vir ingenio non
 vulgari, aliisque non spernendis naturæ dotibus
 divinâ munificentia præditus, atque ab adolescentia
 in purgatoris Theologiæ principiis educatus, eru-
 ditorumque amicitia, contubernio, ac familiari-
 tate diu potitus, ob privati emolumenti rationes à
 veritate & veritatem tuentium commercio ac con-
 junctione defecerit; & nulla retractatione facta hinc
 abierit ad tribunal illud pavendum, coram quo
 * *nec absida gradata* (ut ipsum olim, imo & † re-
 center adhuc, amicus vetus commonefecit) *nec*
cathedra velata, nec Doctoratum, Præsidum,
Professorum Regionum, Vicariatuum, Decana-
tuum, Conservatorum officia adhibebuntur ad de-
fensionem,

* *In Capistro &c. pag. 27.* † *In expositulatione*
non pacifica &c. pag. 16.

*ensionem, ubi cæperit accusare conscientia, & conscientiarum arbiter judicare. Nam ut ex Augu-
stino continenter adjungebatur: Qua hic honorant,
ibi onerant; qua hic relewant, ibi gravant.*

Defuncti encomia dein orsurus confarcinator, de illo ait: *Anno ætatis 18. pedagogii Castrensis, & totius nobilissima promotionis in artibus primus omnium votis.* Cur promotio illa venditetur præ aliis *nobilissima*, vel, ut adulando accinit Orator funebri, dicantur illo magis anno *elegantissima concurrisse ingenia*; nullis hætenus documentis compertum vidi; incumbetque assentatoribus istis, ut fidem suam liberent, eorum aliqua in lucem edere. Cum *primum omnium votis* fuisse jactat Libitinarius, fallitur & fallit: neque enim vel in utroque *actu* (ut nuncupant) primus fuit: sed alumnus Falconensis, cui Strenonio nomen erat, palmam ei eripuit in actu altero. Hæc quidem exilia ac minuta sunt, sed commonstrantia quam sine delectu tabellæ faber, quidquid imaginatio fervida suggessit, in chartam conjecerit, ut fucum faceret imperitis.

Pro secundo encomio peculiari (nam communia transeo) recitatur, quod *Vianio & Lupo Collega datus in celebri deputatione ad Apostolicam Sedem, spinosi negotii molem in Urbe solus fere sustinuit.* Non tantum nec *solus*, nec potissimus: sed contra turbarum aliquid Romæ moliri, atque adeo Apostoliæ suæ deinceps consecutæ fundamenta locare incipiens, Collegis id subodorantibus, ab

Urbe dimissus, illaудabiliter domum rediit.

Encomio tertio jactatur, quod *Reversus Ipras luculenta ibidem vasta saneque eruditionis specimina edidit, Theoriam à Jansenianis & Bajanis erroribus, iuxta ac Moralem ab excessibus expurgans.* Luculenta illa vastæ sanæque eruditionis specimina Ipris edita nos hætenus latent. De Jansenianis erroribus mox dicetur: nam laus eadem, velut idem in bina fercula dispersitum opsonium, inferius denuo prædicabitur. Porro si quam gloriam prius meruit, *Moralem* purgans à laxitatibus; *Moralem* dein ipsemet post turpem Metamorphosin laxitatibus inficiens, tanto fecidius eam perdidit.

Quartum encomium habet, quod *Lovanium accersitus Theologicam Facultatem suffulsi, scholæ gloria, os, & lingua; suoque ævo rei Theologica Phoenix.* Non accersitus, sed manibus pedibusque reptans ut ad aliquam quasi partem sacerdotalem admitti posset, atque abdicatis istis dogmatibus, quibus ab adolescentia imbutus erat, & quæ ipse magno conatu privatim instillaverat Theologicæ scientiæ candidatis; se intrusit in *Facultatem*, dominatus sui basim ab arrepto hoc officio positurus. Hinc illa ad Universitatem redeuntis vox, quam Bruxellis, ægrotus lecto decumbens, in diversorio cui * *salus* nomen est, apud amicum familiarem, usurpatione longe diversa à gentium Apostolo, decantabat: *Ego sub nullius redi-*

gar

* 't Wout.

gar potestate. Porro *schola os & lingua* fuit, ad mordendum viros egregios, & latrandum in doctrinas sanas. Nam post Wiggerii Conclusiones ordine prælectas è Theologica sua cathedra, & iisdem fere, quibus ab auctore, firmatas probationibus (quam scientiam penes se facillimè tyronibus haurire licebat) cætera temporis consumebat invecivis in Rigoristas ac Novatores, hoc est, ornatissimos collegas suos: munus illud usque adeo excellens ac pretiosum convertens in dentatam satyram, maledicentia & felle plenam. Si illa profecto est Phœnicis illius gloria, citra controversiam tam est vana & imaginaria quam avis ipsa. Nam meram fabulam esse quidquid magno apparatu de illa Historici & Poetæ garriunt, neminem, paulo sagaciorem, fugit. Itaque, præter intentionem quidem improvidi compilatoris, revera fuerit Martinus iste idem in Theologia, quod Phœnix volucris in Arabia. Nisi fortassis allusionem fecerit ad cristatum verticem, quem ales iste fastuosius memoratur attollere: (valent enim quandoque similitudines etiam ex commentis petita) tum nihil certè erit ut subtili refragemur Encomialtæ: nam plumeum apicem non fictitiè aut fabulosè in Lyceo Lovaniensi Steyartius extulit, auditus etiam aliquando, nec omnino ironice, in scholis * dicere:

Sublimi serio sydera vertice.

A 4

* *In Declam. festiva.*

In quinto encomio schedulæ corrasor paratragediatione sua omnes pudoris limites prætergreditur. *In Hellade*, inquit, & *Latio domesticus*, cunctarum pæne linguarum *Europa gnarus*: omnis *Historia Sacra & Profana callentissimus*: nulla in arte bona *Liberale aut Mechanica peregrinus*: ubique sciens: *Doctor Universalis*: ingenio & lectione *Tostato suppar*, castigatione doctrina superior, licet editorum inferior numero voluminum.

En vappam assentationis, si quam uspiam terra protulit. *In Hellade & Latio domesticus* fuit, sicut coqui sunt domestici in palatiis: quamquam nec culinarium sermonem Helladis calluisse firmissimè in animum inducam meum. Nulla illius peritiæ, quod sciam, specimina vidimus: nisi quod quidpiam arrodere aulus in Embricensi versione, græci textus energiam flandricè resonante, mox ab interprete percussus, perpetuo se damnarit silentio. Quam porro infra mediocritatem in *Latio domesticus* fuerit, si cum puræ latinitatis scriptoribus conferatur; numerus voluminum editus, (quæ omnia simul conflata vix justam libri *inquario*, ut vocant, molem æquaverint) me tacente, largiter & clare probat. Cunctarum pæne *Europæ linguarum gnarus* fuit, sicut fert trivialis paræmia: *Ex omnibus aliquid, ex toto nihil*. Nam cum aliquando trium foliorum Grammaticam vel ipsius materni sui idiomatis aggredi tentavisset; opellæ suæ pudens, impressionem totam in antro quo

quodam cubiculi, (quod in Collegio Pontificio *infernus* dicitur) ubi eam meis oculis abjectam conspexi, blattis ac tinceis dedicavi. Idem cogita de *Omni Historia Sacra & profana*, atque *arte bona Mechanica & Liberali*: quarum vel rudimenta aliqua vel rudera saltem proferri, magno desiderio poscimus. *Ubique* sciens fuit, & *Dottor Universalis*: quia in Sciorum gurgustiiis expolitus, ardelionis instar cunctis fere jam flagrantibus controversiis se ingessit; sed etiam fere ubique committigatum soleis caput, confusa flagris latera, denique totum corpus pulvere, sudore, sanguine deformatum & exhaustum inglorius è stadio retulit.

Venturus jam compiler ad recensitionem *Voluminum*: In his, ait, *eminent Nota in damnatas propositiones*; *POSITIONES pro Romani Pontificis infallibilitate*; *THESES ejus tam Sabbatinales, quam alia*; & *precipue APHORISMI Theologici*: quibus instar *Apellis lineas duxit*, & *quasdam reliquit imperfectas*, nulli artificum facile absolvendas, ea *styli elegantia & energia*, rerumque *delectu*, ut quod *Romana Florus in Historia*, id sit *Steyartius in Theologia*. Usque ad cone libet pollictori isti (nam eo nomine & officio, quam *Encomiastæ*, se digniorem præstat) imperitorum simplicitate & inscientia abuti, ut eruditorum judicium non reformidet! An ignorat, *Notas illius in quinque propositiones famosas, à Palladio spongia tam accurata deletas*, ut post vitilitigatione

aliquas ad terram colliso, ac palaestra excusso, vox faucibus hæserit? An ignorat, *Doctori Universalis* idem accidisse circa *Positiones* pro infallibilitate Pontificis; & quàm miserè à Gallo castibus dedolatus *sibi fuga consuluerit ex eo genere*, (verba Steyartii in *Positionibus* usurpata mutuo) *quod gallice DEFAITES vocant*? An demum ignorat, *Apellis sui lineis* sapientissimum Arnaldum, in *Difficultatibus Martino propositis*, frequenter velut alterum Protogenem arcepto peniculo lineas induxisse subtiliores; novo autem imo notho Apelli obriguisse manum ne lineis secundis magis iterum tenuibus priores secaret? Porro necdum pervenerat ad aures meas, in albo Magistralium Voluminum, Tostatianis æquiparandorum, censerì Scholares Theses, quas passim factitare solent, primum ære loti, Theologicæ scientiæ mystæ. Enimvero jam campus spatiosus laudis à conscriptis voluminibus apertus est silicerniis Dominis ac Magistris nostris, qui a juventute usque ad niveos canos suggesta doctoralia trivere in Hallis grudiis. Res dolenda, quod mors præmatura Tostatum nostrum alterum à conglomerandis adhuc hujusmodi voluminibus infinitis tanto reipublicæ literariæ detrimento arcuerit. Est etiam quod miremur, cur Martinus ipse toties ingestum sibi *de opere justæ molis* improperium numquam Thesium istarum justissima ostensa mole, abstergere & explodere cogitarit.

Sexto encomio venditur, quod *diffusissima lectio-*

*lectionis nulla faceret adversaria , prodigiosa & numquam fallenti confusus memoria. Id explicatius ita edisserit Orator funebris. Libros tam suos, quam aliorum etiam recentissime editos, legebat quidem omnes; sed subito aliis donabat, contentis eorum memoria sua, velut libro vivo impressis. Recte nimirum defunctus, cum viveret, in convivio quodam (si bene memini) in solentiâ * Roboamiticâ se comparavit Antecessori suo Decano Nicolao Boosio, de quo Ex. Magister Pontanus consueverat dicere, quod libros legeret sicut gallus saltans super prunas: taxans meritò leve illud legendi imo vorandi libros, & insatiabile cacoethes. Lucubrations enim Auctorum solidorum, qui soli seriò lectu digni, non saltim percurrendæ & confestim abjiciendæ; sed mastilandæ, ruminandæ, quin & in commentaria referendæ sunt, atque meditatione diligenti ac pacifica digerendæ. Tum fit ingressus in mentem eorum; doctrina funditus eruitur, agnoscitur, capitur; acquiriturque peritia non quibilibet nugatorie obstrependi, aut de quibilibet sine certa intelligentia & librato iudicio garrindi; sed tractandi magnifice Sapientiam, dogmata Scripturarum ac Patrum tradendi suffragiis se invicem fulcientibus, & compage fidei undequaque sibi firmiter coherente; ac demum, ut in Evangelio adhortatur Christus, instar opulenti Patris-familias producendi de thesauro suo nova & vetera.*

At quis non stupeat *diffusissima* lectionis virum,

* 3. Reg. 12. v. 14.

rum, in *Hellade & Latio domesticum*, cunctarum pæne linguarum *Europa gnarum*, omnis *Historia Sacra & Profana callentissimum*, nulla in arte bona liberali aut mechanica peregrinum, ubique scientem, Doctorem universalem mox tam curta librorum suppellectile in scenam fisti, ut moriens non alios possederit libros quam *Biblia Sacra, Summam Divi Thomæ, ac binos ejus interpretes Sylvium & Wiggers, Romanumque Breviarium*. An forte libros, quibus in *Hellade & Latio Domesticus*, ac cunctarum pæne linguarum *Europæ gnarus evasit, lectos etiam subito aliis donavit, contentis eorum memoria sua velut libro vivo impressis*? An eadem repentina lectione *Historiam Sacram ac Prophanam omnem callentissimè tenuit*? omnes artes Liberales ac Mechanicas suas fecit? Doctoris Universalis, qui scibile discutit omne, luculentiam sibi peperit? Equidem tum non amplius ut *Tostato suppar, aut par, aut celsior, sed ut Theologi monitrum, sapientiæ prodigium, portentum sagacitatis & industriæ, super omnes qui umquam fuere aut futuri sunt sapientes, offerendus, & inenarrabilibus præconiis celebrandus, imò, digito labiis impresso, silentis confectionis reverentia admirandus est.*

Septimum encomium non erubescit asserere, quod in illa amplitudine scientiæ & (quos nunquam ambivit) honorum fastigiis demissè de se sentiebat. Ambitum illius, fastum, & vanitatem alta voce commonstrant, *Nota in epistolam ejus ad Archie-*

chiepiscopum Cameracensem, Lettre à Monsieur Steyaert touchant son election pour la Charge de Conservateur, Supplica pro parte Fisci Academici oblata Rectori Magnifico, & alia innumera Academicis probe nota: ut supervacaneum sit iisdem exscribendis, aut sigillatim recensendis, fastidiosius immorari.

Octavum entomium, priori impudentia non cedit. *Animi sui moderationem, veramque Orthodoxiam, Novitatum odio, ut certo utilissimae documento probavit. Id solum ei gratum & securum erat quod in Ecclesia receptum. Nimirum ex hoc Novitatum odio docuit moderatus ille Doctor, quod * Ebrietas per se, atque ut communiter fit, sit peccatum fornicatione gravius. Ex hoc odio docuit: quod † qui contra conscientiam omittit fornicari, credens id sibi praeceptum esse, gravius peccet, quam alter qui fornicatur, sed qui in conscientia credit id sibi licitum. Ex hoc odio docuit, quod ‡ recenter lapsi facile & cito restituantur, quemadmodum candela recens extincta, admoto igne, facile reaccenditur; adeoque Sacerdos eadem nocte in fornicationem lapsus absolvi possit, & mane ad altare mitti ac celebrare, si alias plebs die Dominica Sacro frustranda foret. Orthodoxiam suam probavit, cum asseruit * Scho-*

*lasti-
* In Declarat. ad articulum 8. inter articulos oblatos. † Aphorif. p. i. dis. 1. n. 6. ‡ In Declarat. ad Art. 30. & 31. * In Thesi 5. Martii 1692.*

*laicos esse hujus temporis Patres, sicut Patres erant Scholastici temporis istius. Nihil nisi in Ecclesia receptum tradidit, cum * Angustam Portam (Luc. 13. v. 24.) dixit esse portam Religionis Christianae, etiam quatenus à vulgo fidelium observatur.*

Pro nono ac postremo encomio numerari queat inverecundissima hæc pronuntiatio: *quod in moribus nihil repererit oculatissima invidia culpandum. Quid? in moribus illius nihil culpandum reperit, non quidem invidia, sed zelus divinæ gloriæ: cum tam severe † increpatus fuit, quod invidia stimulatus, & privato commodo atque honori velitans, à saniorum dogmatum tuitione, laxiorum expugnatione, & virorum bonorum, quibus Christiane adunatus erat, conjunctione defecerit, Apostasiâ horrificâ totum Belgium percellente? quod Adaciam Lovaniensem, quæ ante illum labii unius erat, dissensionibus totius Ecclesiæ Belgicæ funestis, & infinitarum animarum strage fecundis, miserrimè laceraverit? quod persecutionis in purioris Doctrinæ & laudabilioris vitæ viros suscitatae incensor, applausor, quin & executor extiterit? quod ‡ Collegium, cui præerat, in tabernam Studentium, potitatione, lusu chartarum, ac tabaci fumatione celebratam converſu passus sit: indiscipulatos etiam illos indiscriminatim mittens ad Sacros ordines, quin*

&c

* *In Thesi 26. Julii 1695. † Vide Notas in Epist. Steyartii ad Archiep. Cameracensem. ‡ Vide Motivum Juris pro Licentiatu Opſtraet &c.*

& contra à modestia , pietate , sedulitate in studiis commendatos , negato consueto *Testimonia* ab Ordinibus arcens? Nisi forte ad morum vitia dumtaxat pertineat, se inebriare , mœchari, diris se & alios devovere; aut istius metalli scurrilibus & propudiosis ipsi mundo criminibus scœdare vitam.

Quod effertur de indifferentia Magistri Martini ad oppetendam mortem, sunt qui arbitrantur accidisse ex vitæ tædio: propterea quod non succederent illi ad votum omnia, nec de adversariis suis pede pressis, ea, quam avebat, excellentia triumpharet.

Sed bellissima est gloriatio de nullo anxie condito Testamento: utpote quem intelligimus tanto ære alieno obrutum, ut vinculum juris in paucula reliqua à diversis injectum sit, & nemo heres compareat emolumenta cum oneribus susceturus.

Demum ineptissimam naniam Compiler consentaneo sine claudit, cum *pro defuncto* ORTHODOXORUM omnium suffragia obnixè implorat: quia nimirum moris esse vidit, in aliis schedis mortuariis heterodoxorum etiam suffragia poscere. Hunc morem de cetero abrogatum cupit, sine studio novitatis.

Quid jam tandem omnibus his *contradictorie* expensis superest, nisi ut commentitia de mortui istius Doctoris, & Præsidis infumati gloria, simul cum *Nania Funebris*, quæ fumos vendidit.

(16)

didit , in fumos etiam ipsa eat ; & moriatur.

F I N I S.

P E R T I N E N S.

Cum obitus Doctoris Steyartii annuntiaretur in nave ordinaria , quæ Antverpiâ Bruxellam tendit , quidam è viatoribus facietior elata voce dixit : *Requiescat in pace : non requievit in vita , saltem requiescat post vitam.*

